

Faamagalo Atu e Faapei o Nifae

Sa le'i manao Aisea e ita pea ia Iosia
e oo i le faavavau.



Saunia e Noelle Lambert Barrus
(E faavae i se tala moni)

O lenei tala sa tupu i le ISA.

Sa tamoe atu Aisea ma kiki le polo
i lana au, o Timoteo. Sa ia tilotilo
atu a o sasau e Timoteo lona vae ma
kiki le polo i le pou.

"Sikoa!" Sa alaga atu ai Timoteo
ao tau le polo i le neti.

Sa alalaga fiafia Aisea. Sa latou
manumalo i le taalogal.

A o savali ese atu o ia mai le malae,
sa ia lagonaina le fiafia tele! Ae o se
tasi o tamaitiiti i le isi au, o Iosia, na
valaauiina o ia i se igoa uigā.

Sa lagona e Aisea le te'i ma le
tiga. Sa leiloa e ia se tala e fai atu.
Sa tilotilo ifo o ia i lalo i le eleele ma
savali lemu atu i lana au taaalo.

"Ua tatou malo!" Sa fai atu ai
Timoteo. "Manaia tele le pasi, Aisea."

Ae sa lei lagonaina e Aisea se
lagona lelei. Talu mai le tala a Iosia
na fai atu ia te ia! Sa ia lagona le
faanoanoa ma le ita.

O le vaega na totoe o le aso, sa
lagona e Aisea le pei o se avega
mamafa na tosoina o ia i lalo. E *lei*
toe fiafia o ia ia Iosia.

I lena po, sa nonofa ai Aisea
ma lona aiga i le taimi o tusitusiga
paia. Sa ia taumafai e faalogo i lona
tuafafine o faitau. Ae sa le mafai ona
taofi lona mafaufau e uiga i le tala
a Iosia.

ATA NA TUSIA E ALYSSA TALLENT



Sa tilotilo Aisea i itulau o lana Tusi
a Mamona. Sa ia taofi i se mau i le 1 Nifae.
Sa faatatau i se taimi na agaleaga ai uso
o Nifae ia te ia.

"Ma sa oo ina ou faamagalo ma le alofa
ia te i la'ua," na fai mai ai le mau.*

*Na faamagalo e Nifae ona uso? Sa
mafaufau Aisea. E oo lava ina ua mavae
lo latou agaleaga tele?*

Sa mafaufau Aisea ia Iosia. Sa lei manao
o ia e taofimau i ona lagona le lelei mo Iosia
e faavavau. Sa na o le 10 ona tausaga!

Sa manao Aisea e avea e faapei o Nifae.
E mafai ona ia faamagalo ia Iosia, e pei lava
ona sa faamagalo e Nifae ona uso. Ma afai
e toe fai atu e Iosia se tala le lelei, o le a ia
fai atu loa ia te ia e aua nei toe faia.

Sa ia lagona le mafanafana ma le filemu
i totonu. Sa pei o loo fai mai le Agaga Paia,
"O loo e faia le mea sa'o."

"Aisea, o le a se mea na e aoao mai i nei
mau?" O le fesili lea a Tinā.

Sa ea a'e i luga Aisea. "Faamalie atu, sa ou
faitauina se isi mau," o lana tala lea. Sa ia
ta'u atu i lona aiga le mea na tupu i le soka.

Sa fusi mai e Tina ma Tama ia Aisea. "Ou
te faamalie atu sa agaleaga Iosia ia te oe,"
o le tala lea a Tama. "E le moni le mea na ia
fai atu ai. Ae e le afaina le lagona tiga i ai."

Sa ataata Aisea. "Faafetai. Mo sina taimi sa
matuai o'u ita lava. Ae o lenei ua ou faitauina
tusitusiga paia, ou te le manao e ita ia te ia.
Ou te manao e faamagalo atu ia te ia. Ma ua
ou maua se lagona lelei!"

"Ua lelei tele lena!" Sa ataata foi Tina.
"E le faigofie i taimi uma le faamagalo atu.
Ae e sa'o oe. E matua aoga lava."

Sa tilotilo ifo Aisea i ana tusitusiga paia.
Sa fesoasoani ia te ia! O le mamafa na iai i le
taimi muamua ua alu ese. Na lagona e lona
loto le mafanafana ma tumu i le filemu. ●

*1 Nifae 7:21